



Ruj. Kami : SUK.D200 (01)15/1/1 Jld.4 (01)
Tarikh : 29 Jamadilawal 1443H
03 Januari 2022

Ke majlis,

Semua Ketua Jabatan Negeri

Semua Ketua Pengurusan Pihak Berkuasa Tempatan Negeri

Semua Ketua Pengurusan Pihak Berkuasa Berkanun Negeri

Semua Ketua Pengurusan Urusetia Kerajaan Negeri

Semua Ketua Unit / Bahagian, Pejabat Setiausaha Kerajaan Negeri Kelantan

Pengurus Agensi Negeri (Pusat Transformasi Bandar (UTC) Kelantan)

ARAHAN PENTADBIRAN
SETIAUSAHA KERAJAAN NEGERI KELANTAN
BILANGAN 1 TAHUN 2022

PENGOPERASIAN PEJABAT KERAJAAN DI NEGERI KELANTAN DALAM TEMPOH PELAN PEMULIHAN NEGARA (PPN) FASA EMPAT

Dengan segala hormatnya saya merujuk kepada perkara di atas.

2. Kenyataan Media yang diumumkan oleh Menteri Kanan Pertahanan Datuk Seri Hishammuddin Hussein pada 31 Disember 2021 bersetuju supaya Negeri Sarawak dan Kelantan beralih ke Fasa Empat Pelan Pemulihan Negara (PPN) mulai 03 Januari 2022. Beliau berkata keputusan itu diambil selepas mengambil kira penilaian risiko semasa yang dilaksanakan Kementerian Kesihatan (KKM) dan Majlis Keselamatan Negara (MKN).

3. Selaras dengan itu, maka Pentadbiran Kerajaan Negeri bersetuju supaya **pengoperasian pejabat Kerajaan Negeri Kelantan** dilaksanakan menggunakan pendekatan berikut :

- a) Waktu pengoperasian perkhidmatan Kerajaan Negeri di pejabat adalah **mulai 7:30 pagi hingga 5:30 petang (Ahad hingga Rabu) dan 7:30 pagi hingga 4:00 petang (Khamis) menggunakan waktu fleksi** (Pekeliling Perkhidmatan Negeri Bilangan 9 Tahun 2020 Pelaksanaan Waktu Bekerja Fleksi (WBF) Di Agensi Kerajaan Negeri Kelantan) adalah terpakai sepanjang arahan pentadbiran ini berkuat kuasa;
- b) Kehadiran di pejabat **adalah 100%** bagi keseluruhan;
- c) Semua mesyuarat, temuduga serta seminar, bengkel, kursus, latihan dan ceramah secara bersemuka **dibenarkan** bagi **individu yang telah lengkap menerima vaksin** tertakluk kepada kapasiti ruang dengan penjarakan fizikal;

- d) Perkhidmatan kaunter adalah dibuka mulai jam 8:00 pagi hingga 5:00 petang pada setiap hari (Ahad hingga Rabu) manakala jam 8:00 pagi hingga 3:30 petang pada setiap hari (Khamis) ;
- e) Mematuhi Prosedur Operasi Standard (SOP) berkaitan COVID-19 yang ditetapkan oleh Majlis Keselamatan Negara dan Kementerian Kesihatan Malaysia (KKM).

4. Ketua Jabatan boleh memberi pertimbangan kepada pegawai di bawahnya untuk Bekerja Dari Rumah berdasarkan kepada Pekeliling Perkhidmatan (Persekutuan) Bilangan 5 Tahun 2020 dan Pekeliling Perkhidmatan (Negeri) Bilangan 3 Tahun 2021 Dasar Bekerja Dari Rumah (BDR) bagi keadaan berikut:-

- i. pegawai yang mempunyai keperluan untuk menjaga anak yang berusia 12 tahun dan ke bawah serta anak kelainan upaya (OKU) akibat penutupan taska/ pusat asuhan kanak-kanak/ sekolah rendah;
- ii. pegawai yang mengidap penyakit berisiko tinggi;
- iii. pegawai wanita yang mengandung.

Sebarang pelanggaran salah laku dalam pematuhan kepada BDR akan dikenakan tindakan tatatertib di bawah Kn.P.U 18 (A)395 – Peraturan-Peraturan Pegawai Awam Negeri Kelantan (Kelakuan dan Tatatertib) (Pindaan) 2009.

5. Arahan ini dipersetujui **berkuat kuasa mulai 09 Januari 2022.**

Sekian, terima kasih.

“RAJA BERDAULAT, RAKYAT MUAFAKAT, NEGERI BERKAT”
“WAWASAN KEMAKMURAN BERSAMA 2030”

Saya yang menjalankan amanah,



DATO' HAJI NORAZMAN BIN ABD GHANI, D.P.S.K (Kelantan)
Timbalan Setiausaha Kerajaan (Pengurusan)
b.p. SETIAUSAHA KERAJAAN
NEGERI KELANTAN

s.k.: - YB Dato' Kaya Setia Setiausaha Kerajaan Negeri Kelantan